



REPUBLIC OF RWANDA
NATIONAL PUBLIC PROSECUTION AUTHORITY
ORGANE NATIONAL DE POURSUITE JUDICIAIRE
UBUSHINJACYAHA BUKURU



ISHAMI RISHINZWE GUKURIKIRANA IBYAHA BY'IHOTERWA RISHINGIYE KU GITSINA

1. AMAVU N'AMAVUKO

Nyuma y'aho bigaragariye ko ibyaha by'ihoterwa rishingiye ku gitsina byiyongera bityo bikaba byari ngombwa ko bikurikiranwa by'umwihariko, Ubushinjacyaha Bukuru bwashyizeho ishami rishinzwe gukurikirana by'umwihariko ibyo byaha. Ishami ryatangiyeye gukora mu mwaka wa 2005 ariko, kugeza mu mwaka wa 2015 rikaba ritagaragaraga ku rutonde rw'amashami yo mu Bushinjacyaha Bukuru akurikirana by'umwihariko ibyaha byihariye. Muri uwo mwaka wa 2015 nibwo ryemejwe n'Inama y'Abaminisitiri yo kuwa 13/02/2015 nk'ishami ry'Ubushinjacyaha Bukuru ndetse rihabwa n'Umuyobozi.

2. ABAGIZE ITSINDA

Ishami rishinzwe gukurikirana by'umwihariko ibyaha by'ihoterwa rishingiye ku gitsina rigizwe n'abashinjacyaha cumi na batatu ari bo:

- Umushinjacyaha umwe kuri buri Rwego Rwisumbuye rw'Ubushinjacyaha (12)
- Umushinjacyaha umwe ukorera ku Cyicaro Gikuru cy'Ubushinjacyaha unariyobora.

3. INSHINGANO

By'umwihariko Ishami rishinzwe gukurikirana by'umwihariko ibyaha by'ihoterwa rishingiye ku gitsina rishinzwe

- abakekwaho ibyaha by'ihoterwa rishingiye ku gitsina rikorera abana ndetse n'abantu bakuru,

- Kwakira, gusesengura no gushakira umuti ibibazo by'abahohotewe bagana Ubushinjacyaha Bukuru cyangwa abanyuza ibibazo byabo ku murongo wa telefoni utishyurwa 3677
- Gufatanya n'izindi nzego za Leta zirebwa n'iki kibazo mu gushyiraho ingamba zo gukumira ibi byaha,
- Gukangurira abantu no kubasobanurira ububi bw'ibi byaha n'ingaruka bitera binyujijwe ku maradiyo no mu biganiri bitandukanye
- Gukusanya, Kohereza no kwakira ibimenyetso bishingiye kuri ADN,
- Gutegura amahugurwa agamije kongerera ubumenyi abashinjacyaha bakurikirana ibi byaha
- Gutanga Raporo y'ibikorwa.

4. IBYAGEZWEHO KUVA 2008 -2014

A. Ikorwa ry'amadosiye:

Umwaka	Ibirarane	Izinjiye	Zose hamwe	Izakozwe	Izasigaye	% izakozwe	Dosiye zoherejwe mu Budage gupimwa ibizamini bya DNA
2007		3123	3123	2563	560	82.07	50
2008	560	2196	2756	2649	107	96.12	51
2009	107	2261	2368	1667	701	70.4	67
2010	701	1855	2556	1553	1003	60.76	68
2011	1003	1272	2275	1426	849	62.68	83
01-06/2012	849	861	1710	861	849	50.35	14
2012-2013	849	2798	3647	3618	29	99.2	46
2013-2014	29	2837	2866	2866	0	100	75
igiteranyo		17203		17203	0		454

B. Ibindi bikorwa byakozwe:

1. Hatanzwe amahugurwa yahawe abagenzacyaha n'abashinjacyaha ku ikurikirana ry'ibi byaha,
2. Hakozwe ingendo shuri hanze y'igihugu hagamijwe kureba uko ibi byaha bikurikiranwa,
3. Hakozwe DVD film igamije kwigisha uko ibyaha by'ihohoterwa rishingiye ku gitsina bikurikiranwa. Iyi Film ikaba yarahawe ibigo by'amashuri yisumbuye muri buri fasi y'Ubushinjacyaha Bukuru ku Rwego Rwisumbuye mu rwego rwo gusobanurira urubyiruko uko ibi byaha bikurikiranwa n'uko bihanwa,
4. Hashyizweho umurongo wa Telefoni utishyurwa 3677 ku bantu bakorewe icyaha cy'ihohoterwa rishingiye ku gitsina,
5. Hatanzwe ibiganiro ku maradiyo atandukanye hasobanurwa itegeko rikumira kandi rigahana icyaha cy'ihohoterwa rishingiye ku gitsina,
6. Hakozwe ubushakashatsi ku cyaha cy'ihohoterwa rishingiye ku gitsina rikorerwa abana,
7. Hasinywe amasezerano hagati y'Ubushinjacyaha Bukuru n'Ibitaro bya Hamburg mu Budage agamije gupima ibizamini bya DNA.

5. IBIZAKORWA MU MWAKA WA 2015

1. Kwihutisha amadosiye y'ibyaha by'ihohoterwa rishingiye ku gitsina
2. Kohereza ibizamini bya DNA mu Budage mu rwego rwo gushaka ibimenyetso bicukumbuwe.
3. Gukora Film Documentaire ku ihohoterwa rishingiye ku gitsina n'icuruzwa ry'abantu hashingiwe ku mategeko mashya.